



Broj: 06/05/1-04-6783-1/25
Zenica, 8.8.2025. godine

FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA KAKANJ

Federalno ministarstvo pravde Sarajevo
Ul. Valtera Perića 15
71 000 Sarajevo

Primljeno: 11.08.2025			
Org. jed.	Broj	Prilog	Vrijednost
06/1	1772	1/25	

Predmet: Ustupanje zahtjeva - dostavlja se;

Na osnovu člana 65. Zakona o upravnom postupku („Službene novine Federacije BiH“, broj: 2/98, 48/99 i 61/22), proslijeđuje se na eventualno nadležno postupanje zahtjev Maksume Topalović, naslovljen kao zahtjev za inspekcijski nadzor, a kojim se traži nadzor nad zakonitošću preduzetih aktivnosti od strane Općinskog vijeća Općine Kakanj vezano za građansku inicijativu podnesenu od strane neformalne grupe građana „KAKANJ USTAJE“.

Naime, nakon razmatranja zaprimljenog zahtjeva nalazi se da isti ne može biti predmet upravnog inspekcijskog nadzora odnosno utvrđeno je da kantonalna upravna inspekcija nema nadležnost za postupanje po istom, obzirom da se u konkretnom slučaju ne radi o činjenicama koje inspekcijskim nadzorom utvrđuje kantonalni upravni inspektor jer se iste ne odnose na pitanja iz odredbe stav (1) člana 139. Zakona o organizaciji organa uprave u Federaciji Bosne i Hercegovine a u vezi kojih pitanja kantonalni upravni inspektor vrši nadzor na osnovu člana 144. Zakona o organizaciji organa uprave u Federaciji Bosne i Hercegovine kojom odredbom je određena nadležnost kantonalne upravne inspekcije.

Shodno odredbi člana 57. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09) koja propisuje da nadzor nad primjenom ovog zakona vrši Federalno ministarstvo pravde i Federalno ministarstvo finansija, svako u okviru svojih nadležnosti, dostavlja se predmetni zahtjev na eventualno postupanje Federalnom ministarstvu pravde.

Također se predmetni zahtjev dostavlja i Općinskom načelniku Općine Kakanj radi eventualnih provjera kod Stručne službe za poslove Općinskog vijeća da li su u skladu sa svojom nadležnošću poduzeli radnje povodom zaprimljene građanske inicijative.

Ovaj akt se dostavlja i podnositeljici zahtjeva kako bi ista bila upoznata o prosljeđivanju zahtjeva drugom organu.

Prilog: Zahtjev sa prilogima

S poštovanjem,

Dostavljeno: poštom sa povratnicom

1x Naslovu

①x Općinski načelnik Općine Kakanj
Ulica branilaca broj 1
72 240 Kakanj

1x Maksuma Topalović
Alije Izetbegovića M6
72 240 Kakanj

1x a/a

Glavni upravni inspektor

Mersudina Kovačević



Bosna i Hercegovina
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA KAKANJ
Bosna i Hercegovina, Zenica, Kučukovići br. 2
telefon: 032/460 740 i 460 741; Fax: 032/460 742
e-mail: min.pravosudje@zdk.ba,
www.zdk.ba
STRUČNA SLUŽBA ZA POSLOVE OPĆINSKOG VIJEĆA
KAKANJ

Primljeno: 25.8.2025.			
Org. jed.	Broj	Prilog	Vrijednost
06/1	402	1/25	

Maksuma Topalović
Alije Izetbegovića M6
72 240 Kakanj
Tel./Mob. 061 189 284

ZENICA				30-07-2025			
Prilog				05			
Op. j.	Op. j.	Op. j.	Op. j.	Op. j.	Op. j.	Op. j.	Op. j.
06	04	6783					

Kakanj, 28.07.2025. godine

25

**MINISTARSTVO ZA PRAVOSUĐE I UPRAVU
ZENIČKO-DOBOJSKOG KANTONA**

Kučukovići 2
72 000 ZENICA

PREDMET: Zahtjev za upravni inspekcijski nadzor, dostavlja se –

S ciljem provođenja načela zakonitosti u radu lokalnih organa vlasti, podnosimo zahtjev za upravni nadzor nad zakonitošću preduzetih aktivnosti od strane organa odlučivanja jedinice lokalne samouprave – Općinskog vijeća općine Kakanj.

Dana 15.05.2025. godine neformalna grupa građana „Kakanj ustaje“, dostavila je građansku inicijativu Općinskom vijeću, koja se odnosi na pitanja iz samoupravnog djelokruga jedinice lokalne samouprave (tač. 1. do 8. građanske inicijative), koja su od posebnog i neposrednog interesa za građane općine Kakanj. Uz građansku inicijativu, kao prilog, dostavljen je potreban broj potpisa građana (5%) upisanih u Centralni birački spisak za područje općine Kakanj.

Uvidom u sadržaj i formu podnesene građanske inicijative može se nedvosmisleno izvesti zaključak da je ista sačinjena uz poštivanje svih relevantnih zakona i drugih akata koji se odnose na građansku inicijativu, koja je jedan od zakonskih oblika neposrednog odlučivanja građana o pitanjima iz nadležnosti organa jedinice lokalne samouprave.

U prilog iznesenoj tvrdnji navodimo sljedeće relevantne propise, kako slijedi:

Odredbom člana 43. stav 2. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 49/06 i 51/09), propisano je:

„Postupak i procedure neposrednog odlučivanja građana iz samoupravnog djelokruga jedinica lokalne samouprave uređuju se zakonom i statutom“.

U istom Zakonu, u članu 45. propisano je:

„Građani imaju pravo organu jedinice lokalne samouprave podnositi inicijative za donošenje određenog akta ili rješavanje određenog pitanja iz njegovog djelokruga.“

O inicijativi iz stava 1. ovog člana vijeće mora raspravljati ako ga potpisom podrži određeni broj građana upisanih u birački spisak jedinice lokalne samouprave, što se utvrđuje statutom.

Ovaj broj neće biti veći od 5% ukupnog broja građana upisanih u birački spisak“.

Isto tako, odredbom člana 34. Zakona o lokalnoj samoupravi („Službene novine Zeničko-dobojskog kantona“, br. 13/98), propisano je:

„Broj građana koji mogu pokrenuti građansku inicijativu utvrđuje statut općine.

Općinsko vijeće dužno je da razmotri građansku inicijativu i donese o njoj odluku na prvoj narednoj sjednici, a najkasnije u roku od mjesec dana od dana dostave općinskom vijeću.

Pismena odluka se dostavlja podnosiocu građanske inicijative odmah po njenom donošenju“.

U pogledu građanske inicijative Statut općine Kakanj („Službene novine općine Kakanj“, br. 4/2008), u članu 99. propisuje:

„Građani mogu Općinskom vijeću podnositi inicijative za donošenje određenog akta ili rješavanja određenog pitanja iz samoupravnog djelokruga Općine koje je od posebnog i neposrednog interesa za građane.

Građanska inicijativa mora biti argumentirano obrazložena, a ukoliko su za realizaciju inicijative potrebna sredstva, mora sadržavati prijedlog načina njihovog obezbjeđenja.

Općinsko vijeće je dužno razmotriti građansku inicijativu koju je svojim potpisom uz navođenje jedinstvenog matičnog broja podržalo najmanje 5% birača upisanih u Centralni birački spisak i donijeti po istoj odluku na prvoj narednoj sjednici, a najkasnije u roku od šezdeset (60) dana od dana dostavljanja Općinskom vijeću.

Općinsko vijeće će odbaciti građansku inicijativu ukoliko pitanje o kojem je pokrenuta nije u djelokrugu Općinskog vijeća uz uputu o nadležnom oragnu za njeno rješavanje i preporuku nadležnom organu da inicijativu uzme u razmatranje.

Općinsko vijeće će odbaciti građansku inicijativu ukoliko ne ispunjava formalne uslove iz stava 2. i 3. ovog člana, tj. ako se provjerom utvrdi da potpisani građani nisu upisani u Centralni birački spisak koji se vodi za područje općine“.

Također, u članu 100. Statut općine Kakanj propisuje:

„Odluka o prihvatanju, odbijanju ili odbacivanju građanske inicijative dostavlja se podnosiocima odmah po njenom donošenju“.

Stručna služba za poslove Općinskog vijeća zaprimila je građansku inicijativu 15.05.2025. godine, te ovom prilikom ukazujemo na rok do kojeg je morala biti donesena konačna odluka po podnesenoj građanskoj inicijativi.

Naime, prema već citiranoj odredbi člana 99. Statuta općine Kakanj, proizilazi da je **Vijeće dužno razmotriti građansku inicijativu i donijeti po istoj odluku na**

prvoj narednoj sjednici, a najkasnije u roku od šezdeset (60) dana od dana dostavljanja Općinskom vijeću. Budući da je građanska inicijativa predata 15.05.2025. godine, krajnji rok do kojeg je Vijeće moralo donijeti konačnu odluku po istoj je istekao 14.07.2025. godine. Iako je Kolegij Općinskog vijeća na svojoj 7. sjednici održanoj dana 18.06.2025. godine, prilikom utvrđivanja prijedloga dnevnog reda za 8. redovnu sjednicu koja je održana 26.06.2025. godine, kao jednu od tačaka uvrstio i razmatranje o građanskoj inicijativi, na početku sjednice podnesen je prijedlog da se sa dnevnog reda povuče razmatranje o istoj, koji je na kraju i usvojen.


Isto tako, Općinsko vijeće ni na svoju 9. redovnu sjednicu koja treba da se održi 30.07.2025. godine, nije uvrstilo na dnevni red tačku koja bi se odnosila na razmatranje građanske inicijative i donošenja odluke o prihvatanju ili odbijanju iste, pri čemu ovakvi postupci nesumnjivo dovode u pitanje pravo građana na efikasno korištenje ovog oblika participativne demokratije.

Polazeći od svrhe upravnog nadzora, kao specijalnog nadzora nad radom lokalnih organa vlasti, molimo Vas da u okviru svojih nadležnosti, a u skladu sa Zakonom o lokalnoj samoupravi, izvršite nadzor nad zakonitošću rada organa odlučivanja općine – Općinskog vijeća općine Kakanj, i naložite odgovarajuće upravne mjere, kako bi se obezbjedila zaštita prava građana na lokalnu samoupravu.

S poštovanjem,

Prilog: Građanska inicijativa od 15.05.2025. godine

Podnosilac zahtjeva


Maksima Topalović